



Suruhanjaya Komunikasi dan Multimedia Malaysia
Malaysian Communications and Multimedia Commission
Off Persiaran Multimedia
63000 Cyberjaya, Selangor Darul Ehsan, Malaysia
T: +603 8688 8000 F: +603 8688 1000

W: www.skmm.gov.my

Kenyataan Media

Press Release

Untuk Siaran Segera

Beli Apa Jua Telefon Pintar dengan Rebat RM200 di bawah Pakej Komunikasi Belia

Putrajaya: 2 Januari, 2013 --- Jemaah Menteri bersetuju para belia dalam lingkungan umur 21 hingga 30 tahun dan berpendapatan RM3,000 ke bawah mulai bulan ini bolehlah menawarkan untuk membeli apa jua telefon pintar dengan rebat RM200.

Ini diumumkan Menteri Penerangan Komunikasi dan Kebudayaan, Dato' Seri Utama Dr Rais Yatim selepas mempengerusikan mesyuarat pasca kabinet kementeriannya hari ini.

Skim di bawah Pakej Komunikasi Belia (PKB) ini selaras dengan ucapan Belanjawan 2013 yang diumumkan Menteri Kewangan, Dato' Sri Mohd Najib Tun Razak pada September yang lalu. Pelaksanaan skim ini ialah atas prinsip "siapa cepat dia dapat."

PKB dilaksanakan oleh tujuh syarikat komunikasi yakni Celcom, Clixster, DiGi, Maxis, Tune Talk, U Mobile dan YTL Communications dengan koordinasi Suruhanjaya Komunikasi dan Multimedia Malaysia (SKMM).

Dalam melaksanakan PKB semua pihak yang menjadi penjual atau peruncit dikenakan syarat harga patut. Para belia yang telah berdaftar juga

Kenyataan Media

Press Release

dinasihatkan supaya membuat pilihan dengan bijak, meninjau pasaran terlebih dahulu dan membeli peranti pilihan berdasarkan tahap kemampuan masing-masing.

Pendaftaran di bawah PKB boleh dilakukan secara dalam talian dari pukul 7:00 pagi hingga 11:00 malam setiap hari. Untuk pertanyaan lanjut, orang ramai boleh hubungi talian bebas tol 1-800-88-4040 dari pukul 8:30 pagi hingga 5:30 petang Isnin hingga Jumaat kecuali cuti umum.

[Tamat]

Nota kepada Editor:

Sekiranya organisasi anda ingin memetik kenyataan daripada Suruhanjaya Komunikasi dan Multimedia Malaysia (SKMM) untuk sesuatu artikel mahupun bahan berita, petikan tersebut haruslah merujuk kepada SKMM sebagai sebuah organisasi dan bukan mana-mana pegawai SKMM melainkan sekiranya jurucakap rasmi SKMM ada dinyatakan di dalam kenyataan akhbar atau sebarang maklumbalas rasmi kepada media.

Mengenai Suruhanjaya Komunikasi dan Multimedia Malaysia (SKMM)

SKMM adalah sebuah badan berkanun ditubuhkan di bawah Akta Suruhanjaya Komunikasi dan Multimedia Malaysia 1998 (AKM) yang melaksana dan mempromosikan matlamat dasar kebangsaan Malaysia bagi sektor komunikasi dan multimedia. SKMM mengawalselia dan menggalakkan pembangunan industri komunikasi dan multimedia yang merangkumi bidang telekomunikasi, penyiaran, dan juga perkhidmatan internet, pos dan pensijilan digital.

AKM mengadakan peruntukan kepada SKMM peranan melaksanakan dasar, manakala kuasa membuat keputusan tentang dasar diperuntukkan kepada Menteri. Menteri boleh juga mengeluarkan arahan mengenai dasar kepada Suruhanjaya.

Untuk maklumat lanjut, layari www.skmm.gov.my

Untuk penjelasan lanjut, sila hubungi:

Sheikh Raffie Abdul Rahman
Penasihat Strategik, Jabatan Komunikasi Korporat

Rahayu Abdul Aziz
Timbalan Pengarah, Jabatan Komunikasi Korporat

Tel: +603 8688 8000 Faks: +603 8688 1007

E-mel: ccd@cmc.gov.my